



Broj: 04-20-2-9803-1/2025

Hadžići, 07.08.2025. godine

Na osnovu člana 5. Pravilnika o utvrđivanju uslova, kriterija i postupaka za ostvarivanje prava za podsticaj junica iz vlastitog uzgoja, te u cilju osnaživanja poljoprivrednika sa područja Općine Hadžići, broj: 04-20-2-9803/2025 od 06.08.2025. godine Općina Hadžići raspisuje:

JAVNI POZIV za podnošenje zahtjeva za podsticaj junica iz vlastitog uzgoja

Općina Hadžići raspisuje Javni poziv za podnošenje zahtjeva za ostvarivanje prava za podsticaj junica iz vlastitog uzgoja u cilju osnaživanja poljoprivrednika sa područja Općine Hadžići.

I PRAVO UČEŠĆA

Pravo na učešće po ovom Javnom pozivu imaju fizička lica koja imaju prebivalište na području općine Hadžići i adekvatan štalski objekat lociran u blizini stambenog objekta u kojem isti stanuje i ispunjava uslove propisane Pravilnikom i ovim Javnim pozivom.

Jedan aplikant može aplicirati za podsticaj do maksimalno tri junice iz vlastitog uzgoja, s tim što ukupan iznos podsticaja po svim osnovama iz Odluke o kriterijima za raspodjelu sredstava iz Budžeta Općine Hadžići za 2025. godinu – Podrška poljoprivredi ne može prelaziti 5.000,00 KM.

II USLOVI

Podnosilac zahtjeva treba da ispunjava sljedeće opće i posebne uslove:

OPĆI USLOVI:

- Da ima mjesto prebivališta na području općine Hadžići u posljednje tri godine;
- Da je nosilac ili član poljoprivrednog gazdinstva upisan u Registar poljoprivrednih gazdinstava i Registar klijenata FBiH;
- Da posjeduje vlastiti štalski objekat adekvatan za smještaj grla ili uzet u zakup na području na kojem je dozvoljeno držanje stoke u skladu sa Odlukom o držanju stoke na području Kantona Sarajevo („Službene novine Kantona Sarajevo“ broj: 17/16).

POSEBNI USLOVI:

- Rasplodna junica potiče iz vlastitog uzgoja o čemu svjedoči pasoš junice;
- Uvjerenje o utvrđenoj gravidnosti od minimalno 3 mjeseca;
- Životinja mora biti propisno označena u skladu sa Pravilnikom o obilježavanju goveda (dokaz je pasoš životinje);
- Potvrda o provedenim naređenim mjerama na imanju za tekuću godinu;
- Da podnosilac zahtjeva izjavi da će životinja biti na pripadajućem imanju minimalno dvije godine poslije teljenja;
- Štalski objekat (zoo higijenski i zootehnički uslovi u štali, brojčano stanje);
- Socijalni aspekt (stanje na terenu, imovno stanje, opći dojam i sl.).

Napomena: Podsticaj se može ostvariti i za junice koje su oteljene u toku 2025. godine.

III KRITERIJI ZA DODJELU PODSTICAJA

1. pogodnost smještajnog kapaciteta štalskog objekta;
2. socijalni aspekt – stanje na terenu i opći dojam.

Ako komisija na terenu ustanovi da aplikant ne posjeduje štalski objekat ili da je štalski objekat neuslovan za držanje stoke, aplikant će biti diskvalifikovan iz dalje procedure odabira.

IV POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju, redoslijedom kako je navedeno:

1. **Obrazac za prijavu na Javni poziv za podsticaj junica iz vlastitog uzgoja** (info pult ili web stranica Općine Hadžići);
2. **Dokaz o mjestu prebivališta podnosioca zahtjeva u posljednje tri godine** (Uvjerenje o kretanju ne starije od tri mjeseca - original ili ovjerena kopija);
3. **Potvrda u upisu u registar poljoprivrednih gazdinstava (RPG) i Registar clijenata (RK) - kopija;**
4. **Potvrda Službe za privredu, finansije i inspekcijski nadzor da se objekat za držanje stoke nalazi na području na kojem je dozvoljeno držanje stoke u skladu sa Odlukom o držanju stoke na području Kantona Sarajevo („Službene novine Kantona Sarajevo“ broj: 17/16) - kopija;**
5. **Ovjerena izjava da će korisnik podsticaja zadržati životinju na pripadajućem imanju minimalno dvije godine poslije teljenja;**
6. **Pasoš junice - ovjerena kopija;**
7. **Uvjerenje o utvrđenoj gravidnosti od minimalno 3 mjeseca - original ili ovjerena kopija;**
8. **Potvrda o osjemenjivanju - original ili ovjerena kopija;**
9. **Potvrda o provedenim naređenim mjerama na imanju za tekuću godinu - original ili ovjerena kopija;**
10. **Transakcijski račun (Ugovor sa bankom ili Potvrda banke – original ili kopija).**

Aplikacija podnosioca zahtjeva koji preda nepotpunu dokumentaciju i/ili ne popuni kompletno obrazac će se odbaciti. Dokumentacija koja se predaje treba biti poredana po gore navedenom redoslijedu.

V PROCEDURA ODABIRA KORISNIKA

Proceduru vrednovanja i utvrđivanja rang liste, izvršit će Komisija na osnovu Pravilnika o utvrđivanju uslova, kriterija i postupaka za ostvarivanje prava za podsticaj junica iz vlastitog uzgoja, koju imenuje Općinski načelnik.

NAPOMENA:

Obrazac zahtjeva i izjave se mogu preuzeti na web stranici Općine Hadžići ili na info-pultu Općine Hadžići i sa dokumentacijom predati u zatvorenoj koverti na protokol Općine Hadžići sa naznakom „Za javni poziv za podsticaj junica iz vlastitog uzgoja“.

Sve dodatne informacije mogu se dobiti u Službi za privredu, finansije i inspekcijski nadzor općine Hadžići II sprat soba broj 204 ili na broj telefona 033/475-948 svakim radnim danom od 08:00 do 16:00 sati.

Iznos sredstava za podsticaj će se utvrditi u skladu sa raspoloživim budžetskim sredstvima i u zavisnosti od broja potpunih aplikacija.

Nepotpune prijave se neće uzeti u razmatranje.

Javni poziv ostaje otvoren do 28.11.2025. godine do 16.00 sati.

Dostavljeno:

1. Kabinet načelnika - web stranica: www.hadzici.ba;
2. Oglasna ploča Općine Hadžići;
3. Arhiva.

